

吉州歷史



金明昌元年始更名吉州未置州以前唐虞夏商周俱屬冀州禹貢既載壺口壺口山據禹貢水經注通典括地志通考俱在吉地殷至祖乙遷耿吉與現今之絳州屬河津縣及平郡之鄉寧縣等處概名之曰耿周春秋時為晉之屈邑漢為河東郡之北屈縣魏晉隸平陽郡北魏置定陽郡東雍州延興四年復置定陽縣改隸汾州後魏置文昌縣今州之文城村即縣地東魏置南汾州後齊改西汾州後晉

平齊置總管府隋初廢定陽郡開皇四年廢總管府十六

年改耿州今署前內城牌坊十八年改定陽為吉昌縣今學堂猶題古耿名都又東

閔扶風橋亦題吉昌勝境又改為石城郡大業初又置文城郡

唐屬河東道武德元年曰汾州五年曰南汾州八年改為慈州以

郡近慈烏故也唐屬河東下云又改慈州為下州是時吉昌文城俱在

吉地胥為中縣五代宋為慈州下團練吉鄉為中縣熙寧五年

廢州以吉鄉隸隰州又即縣治置吉鄉軍仍省文城為鎮隸焉

元祐元年復吉鄉軍為慈州領吉鄉縣隸河東路金為下州天

德三年改耿州置文城軍明昌元年始更今名曰吉州

以上未置州以前

既置本境以後又復改為下州 元亦為下州初置司候司中
統二年併司候入吉鄉至元二年省吉鄉三年又省鄉寧縣
入州 明隸平陽府領鄉寧縣

國朝因之雍正二年改為直隸州以鄉寧縣並今隰州屬之蒲
縣隸焉九年蒲縣改隸隰州只鄉寧縣屬吉州嘉慶年間復以鄉
寧縣隸平陽府今吉州為單州

吉州官本境者之政績錄

其在元以前者或係南汾州或隰州合治不專屬吉州其考據
亦未確故概不錄謹志元明以後及國朝

韓復生瀏陽人進士至正間任州同知文雅而嫻於吏事隱惡
揚善俗化治盛 祀名宦

王士元字堯佐息州進士至正四年知州事為政不苛守節

不屈士民感戴 祀名宦 以上元

許志昇明洪武間知州修學宮治壇壝蓋有明開國之良牧

高選正德間知州宏才博學撫士恤民

包鍾乾州人嘉靖間州判事母以孝愛民以仁創築外城公私
不動一錢陞孟縣知縣未及行而卒百姓戶祝之 祀名宦

虞文詡浙江義烏人嘉靖八年以舉人知州事六事兼舉百廢俱興
調任解州

朱藩南直隸寶應人嘉靖十七年以監生知州事奏減糧價民
受其庇有吉州創築外城記

蔣賜安樂縣人嘉靖二十二年以進士知州事治先教化使民

無訟崇學校築城垣有功於時陞陝西僉事 祀名宦

龐經山東嘉祥人嘉靖二十三年以舉人知州事清廉慈惠民

歌父母

左達莘縣舉人嘉靖間學正學有淵源教有程式

劉璵安樂縣人嘉靖間學正因才善誘人文聿興

李瑚直隸霸州人萬曆七年以舉人知州事資性溫雅不事

善飾政教寬仁利欲不染陞藩府長史

孫溫如山東濱州人萬曆十一年以進士知州事冰蘖提躬龐

洋福民

張應春陝西華州人萬曆四十一年以舉人知州事政寬風清風移俗易
麻一鳳宣城人天啟間學正博學宏才剛正方大

黃光煒羅山人崇禎五年以舉人知州事刑清賦薄措因亂棄官
賀明威崇禎間守備防禦有法群寇蜂起賴以安堵

國朝

崔起鵬奉天遼東人順治四年以生員知州事青年秀質蒞政有
條陞兵備道

南鵬陝西新安人康熙七年以廩生知州事撫綏流亡創修郡志
張燦奉天正黃旗人康熙三十七年以監生知州事蒞任七年饒
有政績

田鳴玉浙江山陰人康熙四十六年以貢生知州事搜羅遺逸分

節察平陽府志

以上俱本州志

張書翹江西吉水縣人進士任知州以學校為重故士民至今思之

姚官澄直隸涿州人舉人任州治時始在龍王池籌款興學學校
至此時始大有起色

陳寶積湖北人在任時移建西魁星閣又加意振興文教整理太亨
三甲保甲

吳葵之河南人任州時革除保正舊規並右堂內諸規費整理太
亨三甲保甲至今州民多思之

趙德熙著州治亦以學校為重

鄭書璣陝西朝邑人署理州事時大祲以後民累於征徭者甚多
公清查荒地力請蠲免州民多蒙實惠

章同長汝府人光緒二十二年知州事青年秀質綽有循吏風範

李鑄湖北舉人吉雖僻處一隅科甲代不乏人明末國初之時任
府道者且五六人至蔡州牧國臣改修城垣以後文風頓減自嘉
慶以迄光緒一百二三十年領鄉薦者再無一人文運之不振亦至
矣公蒞任時慨然以謀復舊規培植風氣為己任時值光緒二十
七年晉省歲歉吉州荒旱尤甚公既請賑且力懇多撥賑銀以工
代賑板築之際即鄰縣之飢民因之全活者甚衆由是不數月而工
告竣公善相地勢謂城外之清水河可以溉田因諭紳士鑿石開渠
灌溉數百畝前此公下車伊始饑饉之際劫案甚多去城稍遠之村

幾至行旅裹足民不安枕公辦保甲有法鄰縣聞之樂與公之練
勇會哨藉以弭盜匪類因此概不敢入吉地迄公去任遂至一無
劫案此皆其政之卓卓可紀者今公且以直隸州選用矣然吉民
之思公者終以不得借寇為憾云

吉州兵事

州之舊志自明末癸未年流寇西來山城失守人民慘戮房舍灰
燼志之版籍盡付咸陽一炬迄今無論遠者未由追溯即我
朝定鼎以來其間人事滄桑莫可考究父老口傳謂後五代時晉

梁相爭吉民塗炭兵燹之餘所遺黎民不過數家今據州民族
譜考之明洪武初從湖北遷來者甚多同治五年捻逆張總愚入
陝西一帶山右戒嚴秋協鎮鄧統領太原團勇三百駐防吉州河口
十月平陽總鎮蔣復領平陽營兵數百駐紮吉州城六年三月
賊擾龍王辿西岸兵勇齊紮河口防守八月太原勇撤回九月平
陽總鎮蔣卸任十月平垣營茅津遊擊谷景昌領本營兵三百
餘衆兼轄太原鎮標右營都司張德豹領本營兵三百餘衆防堵
龍王辿十一月平陽總鎮陳復帶元亨利貞四營練勇分防吉州

沿河一帶抵河數日聞固關有警遂復領軍而北十九日賊由陝西宜川至龍王辿七郎窩河口是時冰橋正固賊屢撲渡不卻遊擊李谷有病在城遂派都司張德豹千總郝恭把總米輔國同本州知州余灃等督率各營兵勇日夜禦戰殺傷甚多及二十二日早賊始卻退六十餘里是日總鎮陳亦由大寧將勇移回抵河時賊退已遠是夜遂以新來勇更番守河三更後偶不及備賊以數十騎潛渡冰橋先將火藥點放及勇聞知而賊勢已不可禦矣軍中潰亂死者不可勝計都司張德豹千總郝恭把總米輔國皆力戰死之

二十三日五鼓賊遂竄入吉州城遊擊谷景昌及姪杏林額外劉海潮等俱死之距城四十里以內各村俱被蹂躪火光燭天二十六日老湘營劉精銳營宋領軍追及賊遂由青石峽馬皮峪三官峪竄入河津稷山太平襄陵一帶腊月初三日匪始盡去城鄉死者及擄者共數千人焚掠一空初六日有小股賊五百復由陝西渡河竄入州城初七日復從蒲縣界竄入平陽府十九日何鳴高領亨字營練勇駐紮州城二十三日又有小股賊數百由州南石泉村山后鎮竄入鄉寧縣是時州城無官者一月七年正月始委官員二月候補

道鄧裕生巡行州境查報災傷復蒙山西按察使陳統領練軍紫
駐城中三月記名總鎮彭統領春福二營練勇駐紮河口至八
年五月撤九營帶觀益二營閻駐防七郎高龍王巡咸字營常泰
字營徐升字營怡三營更番防守馮家集蛤蟆灘麻子灘三處
九年四月平陽都司德領大兵來防河口觀益兩營撤去九月升泰
兩營亦撤咸字營朱能先後駐紮麻子灘統領樹字新軍六營
提督軍門節制晉軍水陸等營張分防河口設險守要增築碉牆平
治道途上至平渡關下至蛤蟆灘沿河岸有小河難通處俱築
橋以接之道路平坦如砥州人便之 按丁卯冬捻匪自陝省竄入
境內山城失守居民之避難於山林溝壑者其所傷男丁尤少婦女以守
節死者或投崖或落井入水不可勝計氛靖後朝廷之卹典甚重
予世襲之雲騎尉者且五六月而婦女以地濟民貧未蒙旌表蓋
真吉志列女中之一大恨事行將與眾紳士博為採訪建立牌坊
以彰節烈

吉州耆舊錄

崔元亮擢進士第元和初駕部員外郎清慎自持太和中改諫議

大夫每遷官輒讓形於色文宗時以直諫名朝廷推為宿望移疾歸本即召為魏州刺史祀鄉賢

馮延登字子俊吉州吉鄉人世業醫以幼穎悟遂事舉業登承安二年詞賦進士第調臨真縣簿德順州軍事判官大和元年轉齊邊令大安元年七月雹害稼發粟賑貸全活甚眾禎祐二年補尚書省令使尋授河中府判官兼行尚書省左右司員外郎興定五年入為國史編修改太常博士元光二年知登聞鼓院兼翰林修撰奉使夏國就充接送伴使正大七年遷國子祭酒假翰林

學士承旨充國信使以八年春至魏縣營元主問汝識鳳翔帥否對曰識之又問何如人曰敏於事者也又曰汝能招降即賞汝死對曰臣奉使請和招降亦豈使職乎不招降死招降而還朝亦死不若今日即死之為愈也明日復問汝曾思之否對如前問至再三執義不回又明日乃云汝罪當死但古無殺使者理汝愛汝鬚髮猶汝命也叱左右以刀截去之延登岸然不動乃監之豐州三年後奉還哀宗撫慰久之復官祭酒歷吏禮二部侍郎權刑部尚書明年元兵圍汴倉卒逃難為追騎所得欲擁而北行延登辭情慷慨躍

入城旁井中死時年五十八歲

楊正吉州人父椿嘗為獻州刺史正擢明昌進士第仕至河東南路招撫使隰吉便宜經略使築牛心寨以禦元圍急命其子克義克敬婿任禮厚俱死之又命妻孟氏自經女即禮厚妻墜崖死正乃南望再拜焚香赴河死後屍橫水上門人張安石收葬焉

王子可吉州人字南雲父奉軍校南雲亦隸籍年三十大病後忽發狂能揮筆作詩文反說世外恍惚事南渡後居上蔡遇文士則稱大成將軍於釋則諦摩龍什於道則騶天元俊於貴遊則威錦堂主人

為人軀幹雄偉貌亦奇古戴青葛巾項後垂雙帶若牛耳一金鏤環在頂額間兩頰以青澀之染為翠靨衣長不能掩脛故時人有哨腿王之日落魄嗜酒每入城市人爭以酒食遺夜宿土室中人間以故事其應如響其所引之書皆世所無有人與之紙落筆數百言或詩或文多六經中語及韻學古文奇字壬辰兵亂為順天將領軍所得館於州之瑞雲觀南云言於將領曰我不住君家觀也越二日病卒後有見之於淮上者又云安邑人小字醜人遊河南鄆偃城鄆陸等處詞詩走筆如神禮部尚書趙國臣暨中州高士胥師事之遺詩見藝文

元

馮愈父敬夫病篤愈顛天割股調藥父病遂愈事聞於朝至正間旌表其門其所居故址至今稱為孝子原祀鄉賢

明

馮受吉州人永樂間舉賢良方正授河南杞縣丞遷吉水幕鎮巡江右陳侍郎以才政聞於朝擢永甯縣知縣再任泰安醴泉華陰皆有政聲景泰初卒士民哀思之立祠華山之麓

陳維藩吉州人正德戊辰進士少卓越穎敏十餘歲通毛詩弱冠登

第授刑部主事折獄明允晉郎中督糧薊鎮時武廟東巡錢甯竊威權索賄少不遂中以危法維藩獨立侃侃不少貶甯假他事逮繫謫貴州婺川知縣有水南集行於世又著水南詩餘與詩各數萬言郝鍾成化間甘泉知縣愛民如子去任後人恒思之

劉澤字濟民成化間貢士知金縣下車即誓於衆以廉潔自期興學設教崇尚禮義務本息訟革奸均賦士民仰戴如父母子從學為戶部郎中時贈官如其爵

丁汝謙字子益吉州人正德甲戌進士初官太常寺博士擢禮科給

事中世廟入繼議尊興獻禮據經史力諍為大禮貴人所忌謫曲

周縣縣丞遷永平府推官終四川安綿道所至皆有廉能聲祀鄉賢

張柱嘉靖間貢士仕襄城縣丞有政績祀彼處名宦

劉如虎萬曆間貢士仕至鞏昌府通判有品行祀鄉賢

賈四維萬曆庚子舉人授環縣知縣居官清謹博學能文雅意

學校留心民瘼決訟如止水事無冤抑民皆仰之

白爾心貢士天啟間任府谷縣知縣狷介自守稱為廉吏

岳衡薦舉人材授山東監課司副使有才幹聲

劉五龍吉州人副榜授安慶府知府

蘭第錫吉州人號素亭先世明嘉靖間任九江教授曾祖及父皆入邑

庠代有隱德弱冠舉乾隆庚午鄉榜由大挑銓補鳳臺縣教諭俸

滿保陞直隸阜城縣知縣革去苛派盡心災賑總督方敏懇觀成

薦以治河調任永清擒巨匪鄭六並究出積盜月十王大禿子及夥

盜張克兒薛六等十餘人一時盜風頓息民賴以安力修水利事載

永清縣志復調大興旋陞永定河同知歷任直隸正定湖南永州二

府簡放江西贛南道丁外艱服闋補直隸永定河道

特旨陞署東河總督時當黃流橫溢河防孔急晝夜籌畫得報安

瀾

御制詩章云永定分司久素知慎且勤河東擢開府川莫冀成勳初任原厓念所為果出群益當志龜勉副望俾予欣以紀其績前後恩賚優厚已酉調任南河總督每過京察均列一等嘉慶元年

召入千叟宴授受禮成蔭一子入監讀書生平在公自甘淡薄惟整飭庶務愛惜民生為念凡衙門舊有陋規食物官價悉革除之民輒稱便居官風節可以想見任河督隨侍只一二舊僕每遇要工不計

利害不畏險阻以艱苦清節上結

主知嘗自嘆曰一生無所建樹惟勤慎二字受知於

上愧叢稱耳因治河勞勩卒奉

旨以居官廉潔命僚屬存卹其家嗚呼賢矣祖父贈官如其爵著有

治河摘抄吉州考永定河志各卷紳士具稱請祀鄉賢

葛正華吉州人號臨溪少秉穎慧先世葛家溝土窰二孔讀書

其中吟哦不輟年十六入泮冠軍乾隆己卯登賢書庚辰聯捷進士

以庶吉士用鄉人艷稱之由編修改授御史鑒察湖廣道掌雲南道

自居言官茹苦固窮時露風米乙酉順天鄉試充同考官得士汪日章等十三人皆名下士保舉簡放山東督糧道向因挖引河大為民累力爭罷之搜剔漕務積弊以清白自矢著有惠聲旋以僨運積勞卒於任祖父封贈如其官年未周甲時論深惜焉

葛天柱字禮山一字雲夫號閻鴻臨漢子幼從父讀十三歲入泮嘉慶丁卯科考取優貢庚午科本省鄉試中式第三名舉人會典館騰錄候選知縣庚辰科會試中式第九十六名進士殿試第二甲第一名朝考入選第八名

欽典翰林院庶吉士授廣東道監察御史初任雲南澂江府知府愛士邨氏即有政聲歷任湖南常德府知府地遭大水公捐廉築堤指令堤外多栽楊柳設救生船數十號粥廠數處又興堤二代賑民賴安堵及奉

命北上鼎城父老攀轅送者焚香選拜士子贈詩時有公門下士郭生子衡者繪朗江贈別圖王德寬為作頌曰公之明皎如日月公之才堪膺節鉞願祝公福而壽身在江海心存北闕署辰沅兵備道政績丕著楚人比之龍興黃云

孝義

葛尊素歲貢生以義勇聞於里中明末土寇譙起公團結鄉
勇守城捍禦殺獲甚衆城賴以完後賊設伏遇善道光庚子公裔
孫等重修公墓州牧呂重公節義為誌其略於墓表使後之人知所
興起焉

徐椿

張金鳳

陳鳳洲外城內有孝子坊國朝旌表

陳熙昌從九品先世以儒名家公因幼有股疾蹇於行偶業岐黃
術遂精焉時葛太史天柱有一子遘宿疾公愈之後携至京疾
復作以公嘗着手成春為請造其署眾口嘖嘖將其薦入太醫院公
以母老故力辭之旋里後術尤邃活人不可勝計然未嘗領謝儀
人以此尤重之蓋公雖以醫著名而行誼甚高孝友睦鄰之德皆不
言而見諸躬行故至今人稱道之咸謂其有隱德云

列女

金馮妙貞進士張慥妻刑部尚書馮橫溪延登長女年十八歸慥慥已

為洛川簿元兵破葭州遂入廊延廊震恐其守備慥已更秩雲陽簿未及行并臣檄慥往平涼督行軍芻粟時橫溪以行省員外郎駐平涼慥欲偕妙貞以往妙貞辭曰舅姑老矣雖有叔姪妾行能獨安乎歸寧不為越禮而違難不義子立名女子從人父母不得而主也君行妾留奉養明年洛川陷妙貞扶舅姑匿曹氏窟室兵索得之貞泣與舅姑訣曰婦生不辰不得奉養而義不從辱遂負携三子赴井死縣從而死者百人明年春慥發井得屍殯於縣之東郭外時年二十四歲

元楊氏劉子文妻子文疾卒時年二十有二子原甫五歲守節撫孤至正二十年旌表

明張氏郝銘妻夫亡方二十歲毀容斷髮守節五十餘年而終統十二年建坊旌表

張氏生員賀新元妻女賀氏字宏績年十八被流寇困於明峪寨女知不守遂與母永訣投崖死母亦觸石而殞寨破寇斷其屍有司以母女節烈聞臺憲俱旌表其門

毛氏貢生杜瞻妻早孀守節八十餘當事旌表

馮氏生員劉有丁妻年二十二夫故苦守冰霜教子成立壽七十
八歲而卒當事旌表

杜氏雙節史氏生員杜天培妻夫亡年二十五子萼二歲矢志守節
撫萼成立入泮娶媳劉氏萼又早逝劉與姑同志守節而歿有司請
於臺憲旌其門云姑婦雙節

賢媛張氏明封安人邠州同知陳彥輝之配年二十歸邠州邠州方失
恃諸伯叔母各不相下內政無所屬頌州以為憂安人曰凡家之不競其
乖戾多始於婦人婦人所以不協者務爭便利以勤勞見讓也請

試圖之服勤力作以中饋自任其事諸伯叔母與事姑無少異或以讒
聞之則曰若皆尊行當受吾養不譴多矣尚何求久之諸母咸悅曰
不意新婦盡禮如此吾不可以愧焉乃更為輯睦家政以興天順末
郡大饑頌州以諸生丁外艱謝廩家無擔石之儲其養繼姑至詣深山
中採野菜和黍麥擇其甘者以進稍苦者以之充腹嘗一日三過毒苦
然以供頌州之讀風雨泥塗無間色宜其子以進士成名官裔孫之入
仕版者至國初且有數人書香至今犹不墜焉

國朝